

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**De influxu dogmatis reformatorum de sacra coena in  
praxin fidei et pietatis, quanto et quali?**

**Pfaff, Christoph Matthaeus  
Hochstetter, Gottfried Ulrich**

**Tubingae, 1720**

Thesis I.

[urn:nbn:de:bsz:31-130755](#)

## Thesis I.

**N**um doctrina de sacramentis in genere fundamentalis sit, à Theologis variè disputatur. Et verò, ubi contra Unitarios potissimum illi agunt, affirmant utique quæsitum \*. Ubi verò contra Reformatos mentem suam explicant, negativam tenent \*\*. Jam & iidem hanc rebus subtilitatem adhibent, ut ajant, περὶ sacramentorum quidem necessariam esse, et si doctrina de sacramentis necessaria & fundamentalis non sit \*\*\*.

\* Evolvamus, si placet, ABR. CALOVII Opera elenctica Anti - Sociniana, P. 2. f. 259. sqq. ubi tractatur quæstio: *Num & in quantum doctrina de sacramentis fundamentum salutis concernat?* & responderetur, utique, doctrinam de sacramentis fundamentalem esse, id quod variis BALTH. MEISNERI rationibus ostenditur. Adde eundem CALOVIVM in system. locorum theologorum T. XI. p. 58. sqq. ubi quæritur: *Anne controversiae de sacramentis quæcunque adeo leves habenda idque conscienter, ut nullæ censenda sint exitiosæ vel periculum salutis adferre?* Adjici & potest JO. AD. SCHERZERI Colleg. Anti - Socin. disp. 92. ubi p. 806. hæc antithesis catholica habetur: *Sacramenta, ut gratiam Dei & promissiones evangelicas instrumentaliter conferunt & obsignant, ita errores circa eadem fundamentales & exitiosæ sunt.* Denique addi heis potest J. A. QUENSTEDIUS

A 2

Theol.

Theol. didactico-polemicae P. IV. C. 5. sect. 2. Quæst. 10. f. 117. sqq. Etenim, licet sacramentorum absoluta non sit necessitas, hypothetica tamen ea est tūm præcepti tūm medii, ita, ut eorum non privatio sed contemptus damnet ea que sint necessaria, ubi haberi possunt. Sine sacramentis autem multos salvatos fuisse & adhuc sine iis extra ordinem salvari cæteris paribus eos posse, qui nullâ suâ culpâ iis privat, nullum est dubium.

\*\* NICOLAUS profe~~t~~ò HUNNIUS firmiter ita se argumentari existimat: *Quod dogma 1. non est causa fidei, 2. neque omni tempore hominibus in hunc finem propositum, ut fidem inde concipient, 3. à pluribus prorsus fuit ignoratum sine fidei detimento, id non est fundamentale sive totum fundamentum constitutens, sive illud essentialiter ingrediens. Doctrina de sacramentis est tale dogma. Ergo doctrina de sacramentis non est fundamentalis.* Vide Theologi celebrissimi ~~doctore~~<sup>theologam</sup> de fundamentali dissensu doctrinæ Evangelicæ-Lutheranæ & Calvinianæ seu Reformatæ n. 311. Addit idem n. 449. Quantumvis sanam doctrinam de sacramentis negans grave peccatum morale incurrat, Deum offendat, semet ipsum FIDE PRIVET, præsertim, quod claram Dei ordinationem non admittat, veritatem instituentis ambiguam reddat, homines privet efficace medio, quo Deus ipsorum salutem operatur, attamen, quia is fiducia in promissiones divinas nihil derrahit neque obstaculum ponit, quod minus Dei gratiam per Christum mihi polliceri possim, certè neque negatio officii Propheticæ fidei fundamento exitium adfert. Est ergo hæc HUNNII sententia, fallam de sacramentis doctrinam fundamentum quidem fidei non evertere, et si ipsam fidem evertere possit & evertat.

Ac-

Accedat JO. HULSEMANNUS, qui in disp. I. de dogm. ad salutem creditu necessariis p. 477. ait, *necessarium in Ecclesiâ esse sacramentorum usum, ita tamen, ut magis necessaria sit eorum usuratio, quam notitia definitionis inter præcognita fidei.* Addit tamen idem p. 479. doctrinam de institutione & usu sacramentorum, et si sine salutis dispendio ignorari possit, negari tamen nunquam posse, quia per negationem medii ordinarii & adæquati effectum ordinarium negari manifestum sit. Denique & sententiam suam dicat JO. MEISNERUS. Is verò ita de articulis fidei fundamentalibus sedt. 7. n. 6. p. 1090. *Sacmenta absolute ad fidem & salutem necessaria non sunt. Nam multi olim salvati fuerunt in veteri ac novo Testamento & hodiè adhuc forte salvantur, qui de iis nunquam audiverunt, unde & de adhibendis illis solliciti esse nequierunt, & alia media in promtu sunt, quibus Deus fidem in animis hominum excitare ac conservare potest. Sufficit ergo, si nemo, qui mentis compos est, petulanter ea rejiciat & contemnat. Quanta autem sacramentorum ipsorum necessitas est, tanta quoque sine omni dubio doctrina de illis, institutione nimirum, efficaciâ, modo operationis, fine & effectu necessitas fuerit, ut non omnes homines absolute ad salutem consequendam, sed catechumeni, adulti & illi demum, qui sacramentis legitime & cum fructu salutari uti velint, ea cognita habeant. Et, si vel maximè ista quoque nescirent per ignorantiam simplicem & moraliter insuperabilem, non tamen propterea aut effectu sacramenti salutari prorsus carera aut salute excidere putârim, dummodo mediis illis à Deo institutis utantur. Cujus rei exemplum in Naamane Syro occurrit, qui, cùm undas Jordanis præ Damasci aquis minus salubres ac inefficaces ad medendum lepra judicaret,*

jussu tamen Prophetæ in Jordane ablutus convalescit, 2. Reg. V.  
 2. sqq. & n. 7. p. 1090. 1091. Si quis tamen efficaciam illam  
 non tantum ignorat sed negat quoque, & aliam, verbo Dei minus  
 congruam, substituat, rectius sentientes damnet, oppugnet ac ho-  
 stiliter impetum, is procul dubio lethaliter peccat, & si in eo sine  
 paenitentiâ perseverat, eternum moriturus est, non quod funda-  
 mentum fiducia dogmaticum à priori & directè negat aut tollat,  
 sed quia media illa, quæ suo modo ad fundamentum pertinent,  
 quantum in ipso est, efficaciâ suâ spoliat, veritati divinitus pa-  
 tefacta contumaciter contradicit & Deum ipsum mendacii ar-  
 guit. Idem MEISNERUS in Irenico Duræano sect. 2.  
 n. CVII. p. 139. Nec Christus ipse ratione essentia & persone  
 sua sed nec sacramenta nec agenda seu lex & opera moralia &  
 quicquid denique in praxi consistit aut ad praxin tendit, ad fun-  
 damentum fidei pertinet. Adde n. CCLXXXIII. p. 224. 225.  
 & n. CCLXXVIII. sqq. p. 227. sqq. ubi inter alia: heresos ta-  
 men notam, si propriè hanc vocem capiamus, ignorantibus aut  
 oppugnantibus sacramenta inurere vix licebit. Doctrina enim  
 de sacramentis earumque naturâ & efficaciâ ad dogmaticum fidei  
 salvificæ fundamentum non pertinet, nec ad fiduciam in Christum  
 excitandam aut fidem ingenerandam quicquam facit, ut credam  
 videlicet, Deum mihi velle esse propitium propter Christi meri-  
 tum pro me praestitum. Ipsa quidem sacramenta practicè, hoc  
 est, cùm debito modo usurpantur, fidem efficiunt, doctrina tamen  
 de sacramentis id non præstat sed unicè propter praxin adhiben-  
 da est, ut eâ præcente hæc rectè instituatur. Et sicut sacra-  
 menta ad facienda pertinent, non ad credenda, quæ credi à nobis &  
 certâ fiduciâ apprehendi debent tanquam materia, ex quâ fides  
 de misericordiâ Dei & remissione peccatorum hauriatur, ita do-

ctri-

Strina quoque circa ea versatur, quæ Deus à nobis adhiberi vult,  
& intellectum de iis rebus informat, quæ tanquam media à Deo  
instituta factu necessaria sunt, ad id, ut inde fidem & hanc me-  
diante salutem consequi liceat. Verbo: sacramenta sunt actio-  
nes scitu factuque necessarie, ut fidei habitus inde sequatur, non  
dogmata seu objecta, ex quibus materialiter fides generetur.  
Haec tenus MEISNERUS.

\*\*\* Ita NIC. HUNNIUS libro citato n. 310. Alia ratio  
est de rebus versantibus circa sacramenta, alia vero nequitur. Sacra-  
mentorum, in specie baptismi, ea est necessitas, ut Christus jura-  
tò neget, quemquam ingressurum regnum Dei, nisi ex aquâ &  
spiritu fuerit regenitus. Joh. III. 5. Quemadmodum igitur ver-  
bum necessarium est, ut, nisi audiatur, nemo adultus fidem conci-  
piat, sic quoque sacramentum baptismi. Sed hoc ad praxin per-  
tinet atque refertur inter facienda, que ab hoc nostro instituto  
jam remota fuerunt. Ut autem is, qui verbum audit, sed nihil  
audivit de verbi virtute & efficaciâ, nihil de modo & medio  
revelationis, prædicationis, de necessitate auditûs verbi & nihil  
lominus fidem concipit & salvatur non obstante istâ ignorantia:  
sic, qui infans baptismô salutariter utitur, licet nihil prorsus  
de baptismi institutione, substantialibus, fructu & operatione au-  
dierit, fidem & salutem ex baptismatis fonte haurit. Et n. 311.  
Dogma de sacramentis fidem non caußatur. Non quidem nega-  
tur (ut neque negari potest,) quod ipsa sacramenta aut fidem ge-  
nerent, aut generatam confirment, negatur verò, dogma de sacra-  
mentis fidem caußari, cuius hac est ratio, quia fuit fides salva,  
priusquam sacramenta instituerentur, & crediderunt salutariter,  
qui post sacramentorum institutionem de illis tamen non fuerunt  
infor-

informati. Et denique n. 462. Sacra menta sunt organa fidei conferenda, sic comparata, ut, qui sinistre de illis sentit, non protinus virtutem illis adimat neque falsa de illis docendo efficiat, ut in Christum credere & peccatorum remissionem à Deo mihi polliceri nequeam. Propterea sacramenta in praxi necessaria sunt, ut, qui illa non usurpat, aut in substantialibus corrumpt, ratione hujus ηεξεως versetur in salutis periculo. In theoriā autem, quantumvis erronea de illis, (quæ fidei non aliter, ac cetera moralia peccata obstant,) quis statuerit, nihilominus fiducia de remissione peccatorum integra esse potest, ut hactenū fundamentum fidei non evertatur. Hxc HUNNIUS.  
 JO. HULSEMANNUS in diss. cit. p. 416. & 425. eadem ferè habet. Denique idem MEISNERUS in appendice examinis catechismi Palatini sect. 7. n. 6. p. 1090. 1091. eandem tibiam inflat. Adde Irenicum Duræanum sect. 2. de fund. fidei n. CCLXXXIII. sqq. p. 224. sqq. Scilicet benè notandum est, & Theologos, quando de fundamento fidei loquuntur, fidem non in toto suo complexu sed secundūm communem saltem definitionem & prout eam in justificatione considerant, inadæquatam scilicet illam \* spectare, & atque capropter practica, quæ fidem demūm sequuntur, è numero articulorum fundamentalium prorsus tollere solaque theoretica fundamentalia esse affirmare, \*\*  
 3 his

\* Quænam fidei adæquata sit definitio, tūm in institutionibus theologicis tūm in dissertatione nuperā de fide justificante, sanctificante & salvante, tūm in libellis nostris asceticis Germanicis luculenter extulimus.

\*\* Juxta nostram fidei definitionem & juxta nostrum παιδειας τρόπον practica vel maximè ad fundamentum fidei h. c. ad præcipua & primaria fidei capita pertinent.

¶ his positis , quoque existimare , fidem subverti posse , fundamento fidei haud everlo sed manente . \*\*\* Ita per peccatum mortale fides excluditur , et si in fundamento fidei quis non erret . ¶ eosdem non negare necessitatem summam ~~re~~<sup>et</sup> Christianæ , et si haud existiment , eam ad fundatum fidei pertinere . ¶ eosdem porrò distinguere inter doctrinam , quæ fidem gignit & conservat , adeoque fundatum fidei est , & inter medium fidei gignendæ & conservandæ . Ad posteriorius pertinent juxta eos sacramenta , non ad prius . ¶ eosdem denique , si per errorem fundamentalem cum designes , qui fidem destruere possit vel actu destruat , omnino existimare , errores circa doctrinam de sacramentis fundamentales dari , et si fundatum fidei hoc est , doctrinas illas , ex quibus fiducia in Christum Salvatorem oritur , non destruant . Unde & , qui circa sacramenta errant , ipsis heretici non sunt , quia circa fundatum fidei non errant , et si capitaliter errent . Quo fit , ut hereticorum numerum , quicquid etiam in contrarium hinc disposuerit pia antiquitas , quicquid etiam hinc somnient moderni heretifices , quorum omnia plena sunt , valde idem minuant . Vide JO. MEISNERI Irenicum Durzanum Sect. 2. n. CCLXXXV. p. 231. Ex quibus omnibus patet , nullam esse inter Theologos contradictionem , ubi mox ajunt , errores de sacramentis fundamentales esse , mox vero id negant . Eviscera saltē , si placet , vocem & res statim clarescat . Ita & , ubi mox affirmant , doctrinam de sacramentis ad fundatum fidei pertinere , mox negant , vocem & hanc diversimodè accipiunt . Vel enim fundatum fidei est do-

B

tri-

\*\*\* Hoc juxta nostram fidei definitionem eamque Biblicalam contradictionem implicat .

ctrina fiduciam in Christum causans vel conservans vel medium, quo fides accenditur vel servatur. Si prius, doctrina de sacramentis juxta eos non erit fundamentalis, si posterius, erit fundamentalis.

### Thesis II.

**N**il certius est, quām eos, qui circa sacramenta erroneous sententias fovent, ubi aliter & melius de re ipsā persuasi sunt, capitaliter errare \*. Qui verò circa eadem, imò & circa eorundem substantiam & efficaciam *bonā fide* errant, haud capitaliter errant nec ē statu gratiæ excidunt \*\*. Unde & doctrina de sacramentis juxta nostram definitiōnem nobis fundamentalis haud est \*\*\*.

\* Sunt enim sacramenta media gratiæ ad fidem conferendam & conservandam à Christo instituta. Quid quòd sine peccato mortali verbo divino nunquam obliūctari quis malitiosè potest, etiam in rebus, quæ fundamentum fidei prorsus non tangunt?

\*\* Scilicet, quando Theologi nostri ajunt, errores de sacramentis fidem subruere, id de erroribus intelligunt ex pravâ voluntatis verbo divino malitiosè contradicentis dispositione manantibus, non aliis.

\*\*\* Id enim nobis error fundamentalis est, qui fidem actu destruit. Jam verò nemo Theologorum dixerit, errores eorum, qui circa sacramenta bonā fide errant, fidem in ipsis necessariò destruere, quia sic dicendum ipsis esset, neminem inter Reformatos salvari posse. Res itaque jam patet. Quemadmodum

ad-